

3. SAJAM INOVACIJA I INOVATIVNOSTI „INN&TECH“

Sarajevo, 14. januar 2025.

UPUTSTVO ZA UČEŠĆE

OPĆI PODACI

Organizator sajma je Udruženje CENTAR ZA RAZVOJ I PROMOCIJU INOVATORSTVA, TEHNIKE I INFORMACIONIH TEHNOLOGIJA – CRPIT Sarajevo uz podršku i pokroviteljstvo Federalnog ministarstva obrazovanja i nauke i Ministarstva za nauku, visoko obrazovanje i mlade KS. Sajam inovacija i inovativnosti bit će održan 14. januara 2025. godine u Sarajevu. Sajam se održava u sklopu naučno-stručne konferencije INN&TECH. Pravo učešća imaju svi koji se bave inovatorstvom i inovacijama, studenti i učenici.

KATEGORIJE

Sajam će biti održan u četiri (4) kategorije, i to:

1. **Inovatori**
2. **Studenti inovatori**
3. **Učenici srednjih škola**
4. **Učenici osnovnih škola**

U prijavnom obrascu koji se nalazi u prilogu, navesti kojoj kategoriji pripada ili pripadaju autori inovacije. Inovator, odnosno autor može učestvovati sa maksimalno tri (3) inovacije.

Prijavu inovacije za sajam mogu izvršiti škole, osnovne ili srednje, fakulteti, univerziteti ili udruženja/savezi. Prijava za sajam može biti izvršena i samostalno, bez posredovanja škole/fakulteta/udruženja.

Kategorije: **INOVATORI**

Inovatori mogu učestvovati sa maksimalno tri (3) inovacije. Izložena inovacija ne mora biti zaštićena kod nadležnog organa/instituta kao zaštićeni patent. Prijava inovacija za sajam može biti putem udruženja ili saveza inovatora ili samostalna prijava inovatora.

Kategorija: **STUDENTI**

Studenti mogu učestvovati sa maksimalno tri (3) inovacije. Sa jednog univerziteta/fakulteta može biti prijavljeno više inovacija/radova. Prijava može biti preko fakulteta ili samostalno. Univerzitetski profesori koji se bave inovatorstvom, također mogu učestvovati na sajmu. U tom slučaju se prijavljuju u kategoriji **inovatori**.

Kategorija: **UČENICI SREDNJIH ŠKOLA**

Učenici srednjih škola mogu učestvovati sa maksimalno tri (3) inovacije. Iz jedne škole može biti prijavljeno više inovacija/radova. Prijava može biti preko škole ili samostalno. Profesori

srednjih škola koji se bave inovatorstvom, također mogu učestvovati na sajmu. U tom slučaju se prijavljuju u kategoriji **inovatori**.

Kategorija: UČENICI OSNOVNIH ŠKOLA

Učenici osnovnih škola mogu učestvovati sa maksimalno tri (3) inovacije. Iz jedne škole može biti prijavljeno više inovacija/radova. Prijava može biti preko škole ili samostalno. Profesori osnovnih škola koji se bave inovatorstvom, također mogu učestvovati sa inovacijama. U tom slučaju se prijavljuju u kategoriji **inovatori**.

NAGRADE I PRIZNANJA

Za ustanove, fakultete, škole i udruženja iz kojih ili ispred kojih učestvuju autori inovacija, bit će uručene zahvalnice za učešće i doprinos razvoju i promociji inovatorstva. Za autore inovacija bit će pripremljene medalje i priznanja. Shodno finansijskim mogućnostima, organizator će obezbijediti nagrade za sve učesnike.

DODATNE INFORMACIJE

Za učešće na sajmu se **ne plaća** kotizacija za učešće. Organizator ne snosi putne troškove osoba koje dolaze na sajam. Uz izloženu inovaciju obavezno je prisustvo autora inovacije koji je obavezan na sajam donijeti inovaciju, postaviti na predviđeno mjesto, demonstrirati svoje inovacije te brinuti da ne dođe do oštećenja. Planiranog dana održavanja sajma, postavka izložbe inovacija je u periodu od 8,00 do 9,00 sati u predviđenom prostoru gdje će biti održan sajam ili dan ranije u periodu od 17,00 do 20,00 sati. Izložba će trajati od 09,00 do 15,00 sati. Po završetku sajma, autori preuzimaju inovacije i brinu se o njima. Organizator ne preuzima odgovornost u slučaju oštećenja ili uništenja inovacije.

Za inovacije koje imaju prototip ili model/maketu, bit će pripremljeni stolovi za izložbu. Na sajam autori mogu donijeti i vlastite izložbene stolove, banere, panele i slično, te isto obavezno navesti u prijavi. U prijavi se obavezno navodi i sve potrebno za postavku i demonstraciju inovacija, prostor za izložbu i slično.